

115 年全國語文競賽臺灣原住民族語言朗讀文章 【建和卑南語】 國中學生組 編號 1 號

kituvangsar

kanini na 'amiyan kanta i Kasavakan na kakuwayanan da kituvangesar na wari mu, na kemakedeng kaniyam na lralrakan i valri Siyawwi, parudang paraduk kaniniyam na maralrakan na vavayan, duwa mi kurelranga mena'u kanini na kituvangangesar na ma'inayan, na dinekalranan diya adu kana wari mu, duwa muwaduka i palakuwan, kingkimger kananta ayawan na venavati kanta mapiyapiya di ulra diya na sasa ma'idangan mararengay kantu vinavati ni ayawan.

kema marengay kanta na ayawan ''nu kemalawang remavat diya kanini na lalawangan na vasikaw mu, mulremes lra di mulavat lra peniya,, kema tu pauwayan. nu kemalawang diya kema mu, adi ta lra maruwa mareveliyas mena'u data lralrang na adi kuwarelrang kana kakuwayanan. semalra harem mu, i panana'u ta kanantu i kituvangsar, kemaya ta diya kanmu nantu ma'ida'idangan, lramu kasasepelr mu mareanger kananmu lralrak da kipukpuk kaninin na lringadalan, kemata mu, nanta kakuwayanan kinaawac diya, kemaya ta. adiya ta silrevang.

ini na lringadalan mu, man tu pukpukaw kema ta mu, ulra tu kakuwayanan, awac diyan kaadu i palakuwan telu 'amiyan mutuvalisen, manuman tuy kinaulupan datu kilralrumunan kemadu, harem mu, patunun ta kituvasar , pakalikudan ta lra patunun kanini na lringadalan.

ta varvaraw kana lringadalan mu, nintaw kadalraman, aruwa ku remamed da aludun da kakuwayanan kema. nu kadu a kuwaacengan mu, ka'uraringec ku kema. mau ini nantu lralrimawan kanini na lringadalan.

ai kemaya ku marengay,.di kemiyarakad lra aruwa lra kurelrang da kakuwayanan, karuwa lra mituruma'an, karuwa lra kiraduk. kemaya ta kanmu kemani a tu pauwayan, maruwa ku ngai,, kema na ayawan pakadalram kantu rinuma'enan da man kipukpuk da lringadalan di aeman tu pauwayan diyamaw? kema. di adiya mianger kana kipukpuk tu alrak kema. na kadudiya i uwadukan na cau mu, temapetap tu lima papiya. kemay kanidu lra tatena' mi lra madalram kantu kapauwayan idu nu kemalawang remaravat kana vasikaw na kituvangesar.

115 年全國語文競賽臺灣原住民族語言朗讀文章 【建和卑南語】 國中學生組 編號 1 號
成年禮

今年在建和部落舉行進階成年禮，當天，族人幾乎都在場觀禮。
成年儀式進行中，頭目解說著跨過竹子的意義，是因為都通過了考驗的意思。

進階成年禮以咬人狗拍打屁股，是我們的傳統。從前在會所是三年的苦行期，用咬人狗，那刺痛無比的感受，是一種深刻記憶，表示再沉重的生活也能夠往肚子裡吞之意。這是頭目為了讓家長了解用咬人狗拍打孩子們的臀部，其中之意涵。經過這次頭目詳細的解說，也讓在場的人了解成年禮！